

【经文信息】大正藏第 45 册 No. 1889

海印三昧论 1 卷

No. 1889

海印三昧论一卷(并序)依大方广佛华严经

明晶所述

若夫大道无边非隘行之能寻。至理深玄非浅智之所识。如以局情入道。道非局入。执教求理。理非执求。要以无方大行始可稱道。孱空圆智迥会理矣。故请将来君子同怀寄筌之意。

归命尽十方	法界中三宝
我欲报佛恩	略演契经义
普令众生类	得大涅槃乐
愿慈加护念	满我本誓愿

论曰。有大三昧。名曰海印。速令行者至不退地。用小方便获大利益。其印之内要义偈颂名陀罗尼。总持一切契经要义。普含一切诸佛功德。然陀罗尼略有二种。一法。二义。法中有三。谓体智用。所言体者。谓诸众生根本一心。是心本来自性清淨。不增不减。不生不灭。旷大无边犹如虚空。总持一切世出世法。无不摄故。所言智者。谓如来地理量二智。无理不照无事不达。总持一切无边功德。无不摄故。所言用者。谓如来地应化二身。普应法界教化众生。尽未来际化用无竭。总持一切世出世间所有诸法。无不摄故。所言义者。谓摩诃衍圆教所显广大妙义。总持十方三世诸佛秘密法藏。无不摄故。如是二种陀罗尼门各摄无量尘沙法门。兼容无碍互相摄入。随入一门无所不通。了达一切尘沙法门。入佛境界得无所畏。如经偈言。一中解无量。无量中解一。展转生非实。智者无所畏。如是二种陀罗尼门。乃至无量尘沙法门。悉入海印三昧之内。譬如天下所有诸水悉入大海无流不纳。海印三昧亦复如是。悉纳一切诸契经水。譬如空中日月星宿诸天宫殿。阿修罗兵

及天帝释所将兵众。悉皆影现大海水中。海印三昧亦复如是。无量无边法界诸佛菩萨圣众悉现其中。陀罗尼义如颂应知。如其欲读从印中角生字为始。随印文转周回乃至涅槃为终。颂曰。

刹	一	一	一	刹	一	方	是	一	则	是	一	则	一	处
一	住	一	无	一	灭	一	无	一	生					
本		中	一	解		十	无		法	菩		处	一	烦
一	恼	一	菩	一	提	一	体	无						
形		法		于		满	量		一	提		异		提
一	菩	一	识	一	人		无	是						
亦		切		一		土	法		法	涅		非		近
本	一	来		无		二	如							
不		一		无		佛	一	一	一	盘		盘		而
心		无		而		涅	一	亦						
大		切		量	一	法	一	则	一	是	体	涅		甚
身		生		亲	一	盘	一	法						

一	一	一	一	解	一	中	一	一	者	一	智	死	难
一	见	一	一	一	一	一	一	一	一	一	一	一	一
佛	一	国	一	容	一	十	一	法	一	界	一	生	盘
一	涅	一	一	一	一	一	一	一	一	一	一	一	一
相	一	本	一	刹	一	诸	一	一	令	一	诸	念	一
一	念	一	一	一	一	一	一	一	一	一	一	一	一
恒	一	刹	一	一	一	大	一	尘	不	一	世	一	诣
一	遍	一	一	一	一	一	一	一	一	一	一	一	一
如	一	方	一	切	一	旷	一	增	是	一	界	一	十
身	一	心	一	一	一	一	一	一	一	一	一	一	一
故	一	十	一	一	一	中	一	皆	一	如	一	知	方
知	一	旧	一	一	一	一	一	一	一	一	一	一	一

无 含 一 包 一 尘 一 一 一 累 一 重 了 求
不 成 亦 一 劫 进

| | | | | | | | | | | | | | | | | | | | | |

量 一 无 一 数 一 旷 一 大 一 劫 一 智 一 者 成
一 佛 佛 一 往 一 昔 一 精

生死涅槃非异处 烦恼菩提体无二
涅槃亲而无人识 菩提近而甚难见
身心本来无生灭 一切诸法亦如是
无生无灭无住处 则是菩提涅槃体
智者一中解一切 一切法中解于一
无量法则是一法 一法则无量法
一佛土满十方刹 一刹本形亦不大
一佛国容十方界 而诸世界不重累
一尘包含十方刹 一切尘中皆如是
不令一尘增旷大 诸刹本相恒如故
无量无数旷大劫 智者了知则一念
一念未曾演长远 长劫亦不缩成促
遍诣十方求成佛 不知身心旧成佛
往昔精进舍生死 不知生死则涅槃

论曰。此法门者。能开一切菩萨慧眼。能果一切菩萨所愿。一切行者。欲生净土。当依此门念念习学。一切时中勿令间断。乘此法者。用小方便速至佛果。譬如有人乘船。入海欲度彼岸。得好顺风用小方便速达彼岸。乘此法者。行住坐卧一切时中恒入灭定。乘此法者。不久当得不碍忍地。有如是等种种利益。乃至诸佛住无数劫说不能尽。三世诸佛秘密法藏莫过于此陀罗尼颂。若有行者意欲速进无上菩提。应当先发广大妙愿。于诸众生起大慈心。于善知识生难遭想。敬重三宝破除我慢。依大乘经至心忏悔一切罪障。然后专求大善知识。咨问法要。闻说法已。系念思惟。如说修行。一切时中无间断心。若能如是不久当入陀罗尼门。如上所说海印三昧出华严经十地品中。其印像者。以义安也。其颂文者。总述一部经中要义以为颂耳。云何印道无始终者。欲显一道离三世际。前际后际不可摄故。云何印道有盘曲者。欲显

一道随缘称机。应三乘行现差别故。以何义故五十六角共成印者。欲显地前四十心位及与十地等觉妙觉。如是五十二位人等皆依一道而修四摄度众生故。五十二角表其五十二种人也。余四角者。表四摄也。十信位中仰信一道四摄法故。十解位中信解一道四摄法故。十行位中信行一道四摄行故。十回向中解行俱圆而行一道四摄行故。十地位中及等觉位正证一道行四摄故。妙觉位中究竟圆证一道根原。尽未来际以四摄法化众生故。云何颂中纵横同有十四字者。欲显菩萨行虽无量种不离于十波罗蜜四摄行故。十方无边一切世界诸菩萨等。皆依此行为根本故。云何颂中有始终者。为欲安慰怯弱菩萨。佛道虽远修行不绝。终归成佛勿退行故。云何颂首及与颂末俱处中者。欲显初心所习正观不异如来正观智故。云何纵横四围循读皆失句者。欲显甚深陀罗尼义。非断常见及边见入所能知故。云何从中寻得句者。欲显甚深陀罗尼中道正观乃能知故。云何印外更无颂者。欲显佛教虽越尘沙不离一道。一道以外更无法故。云何不释颂中义者。欲令行者于少文中多解义故。恐诸行者弃本逐末贪数文句失大益故。如经中言。宁以少闻多解义味。不愿多闻于义不了。欲验行者得利多少根机深浅行生熟故。欲令小见懦弱众生于正法中生重心故。然此深义非九种人所知境界。何等为九。一非凡夫所知境界。二非世智辨聪境界。三非分别法相境界。四非声闻缘觉境界。五非空见行者境界。六非散心多闻境界。七非边见众生境界。八非断见众生境界。九非常见众生境界。如是等辈互相嫌言。我智则胜彼智必弱。唯我独能尽解佛法。如是等辈甚可怜愍。于五尺身起长大我。将方寸意量虚空尽。亦如小儿蠡杯酌海。谓言唯我量大海尽。小见众生度量佛法亦复如是。彼等若不破除我慢。不悔本心。难可教示。设使口诵不会深理。纵使多闻唯长懦弱。徒劳无益。如经偈言。譬如贫穷人日夜数他宝。自无半钱分。多闻亦如是。有如是等种种众生。欲护彼故更不释义。恐彼恶见转加增长。永沈苦海无出期故。如经偈言。破法不信故坠于三恶道。我宁不说法。疾入于涅槃。如上所说。陀罗尼义是无边行等法界智所知境界。如经偈言。游心法界如虚空。是人乃知佛境界。以何义故存其本者。欲显正法毕竟常住三世诸佛共所依故。譬如绳墨是常法则前匠后匠共所依故。复次欲令假名菩萨舍末寻本达本原故。欲令正法常住不灭法光恒照毕竟不绝破除众生无明闇故。欲令众生生生处佛种不断故存本也。契经要义略述如是。欲尽其原唯佛穷了。但仰信解赞扬教耳。欲发弘愿。以偈赞曰。

佛法甚广大 量同于虚空
我已所述义 如一毛孔分

所述诸功德 普施众生类
速登十地位 皆共成佛果

海印三昧论一卷

局(省好)筌(现)隘(省力知)屣(妙文内里为)。

永久元年癸巳八月二十日书写了 笔生助范享保六年三月以城干高山寺藏本
对校。

【经文信息】大正藏第 45 册 No. 1889 海印三昧论

【版本记录】CBETA 电子佛典 Rev. 1.9 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
